

孔 子 家 语

廖名春 点校
邹新民 校

出版说明

《孔子家语》是一部记载孔子及其弟子事迹言行的重要文献。其体例与《论语》相似,但篇幅却远远超过了《论语》。它记录和介绍了孔子的先世、孔子的出生死亡、孔子的日常生活、孔子的政治活动和教学活动,以及孔子学生的事迹。但记述得最多的还是孔子的思想主张,是我们了解和研究孔子及早期儒家学派的重要参考资料。

今本《孔子家语》共十卷四十四篇。《任言解》、《大□解》、《伍仪解》、《贤君》、《辩政》、《哀公问政》、《入官》、《执轡》等篇,主要是孔子论述治理国家的言论,孔子参考历代治乱得失,根据自己的生活感受,提出了种种改良政治的主张,形成了以“仁”为核心的思想。他奉劝统治者实行“仁政”,希望天下重归统一,以建成一个类似周初那样的理想社会。孔子十分重视礼乐制度,强调以仁来充实礼,形成了以仁为核心,以礼为秩序的伦理道德思想,而《观周》、《辩乐》等篇就描述了孔子学习和研究礼乐的情形;《问礼》、《论礼》、《礼运》等篇集中记载了孔子关于礼的一些看法。孔子首创私学,主张“有教无类”,是我国历史上首位成功的教育家,而《政思》、《三恕》、《弟子行》、《子路初见》等篇则记载了孔子的教育思想和教育方法。

《孔子家语》早在《汉书·艺文志》中就有著录,为二十七卷,列于《论语》类。按照《汉志》的记载,当时记录孔子及孔门弟子的书,除《论语》外,就只有《孔子家语》。但今本除卷次与《汉志》所载不同外,其内容又多见《荀子》、《礼记》、《礼记》、《礼记》、《礼记》、《礼记》、《礼记》等书。特别今本是在王肃作注后流行起来的,因此长期以来它被视为伪书,认为

系王肃所伪撰 ,其价值没有得到应有的重视。

1953年 ,河北定县八角廊汉墓出土了与《孔子家语》内容相似的竹简 ,1956年 ,安徽阜阳双古堆汉墓又出土与《孔子家语》有关的简牘。这说明今本《孔子家语》并非伪书 ,它的原型早在汉初就已存在。由此看来 ,所谓孔安国序与王肃序的说法是有根据的。《孔子家语》和《论语》同源 ,系孔门弟子各记所闻 ,后选一部分辑为《论语》 ,其余部分则集录为《孔子家语》。后来又经过从孔安国到孔猛等数代孔氏学者的陆续编辑增补而成。所以 ,今本《孔子家语》既在战国秦汉间就有原型 ,也是汉魏孔氏家学的产物。

受伪书之说的影响 ,《孔子家语》一直较少理想的整理本。我们这次以同文书局石印影宋抄本为底本 ,以《四部丛刊》影印明刻本和刘氏玉海堂覆宋本参校 ,进行校勘标点 ,后附校勘记。

本书由清华大学思想文化研究所廖名春、邹新民校点整理。

【目录】

出版说明

相鲁第一 轶

始诛第二 轶

王言解第三 轶

大□解第四 轶

儒行解第五 轶

问礼第六 轶

五仪解第七 轶

观思第八 轶

三恕第九 轶

好生第十 轶

观周第十一 轶

弟子行第十二 轶

贤君第十三 轶

辩政第十四 轶

六本第十五 轶

辩物第十六 轶

哀公问政第十七 轶

颜回第十八 轶

子路初见第十九 轶

在厄第二十 轶

入官第二十一 轶

困誓第二十二 轶

五帝德第二十三 轶

五帝第二十四 轶

执轡第二十五 轶

本命解第二十六 轶

论礼第二十七 轶

观乡射第二十八 轶

郊问第二十九 轶

五刑解第三十 轶

刑政第三十一 轶

礼运第三十二 轶

冠颂第三十三 轶

庙制第三十四 轶

辩乐解第三十五 轶

问玉第三十六 轶

屈节解第三十七 轶

七十二弟子解

第三十八 轶

本姓解第三十九 轶

终纪解第四十 转元远

正论解第四十一 转元愿

曲礼子贡问

校勘记 转元愿

摇第四十二 转元缘

子贡问第四十三 转元园

公西赤问第四十四 转元缘

相鲁第一

孔子初仕，为中都宰，制为养生送死之节：长幼异食，强弱异任，男女别涂，路无拾遗，器不雕伪，为四寸之棺、五寸之槨，因丘陵为坟，不封不树。行之一年，而西方之诸侯则焉。定公谓孔子曰：“学子此法^①，鲁国何如？”孔子对曰：“虽天下可乎，何但鲁国而已哉！”于是二年，定公以为司空。乃别五土之性，而物各得其所生之宜，咸得厥所。先时季氏葬昭公于墓道之南，孔子沟而合诸墓焉。谓季桓子曰：“贬君以彰己罪，非礼也。今合之，所以掩夫子之不臣^②。”由司空为鲁大司寇，设法而不用，无奸民。

定公与齐侯会于夹谷，孔子摄相事，曰：“臣闻有文事者必有武备，有武事者必有文备。古者诸侯并出疆，必具官以从，请具左右司马。”定公从之。至会所，为坛^③，土阶三等，以遇礼相见，揖让而登。献酢既毕，齐使莱人以兵鼓[□]，劫定公。孔子历阶而进，以公退，曰：“士，以兵之。吾两君为好，裔夷之俘敢以兵乱之，非齐君所以命诸侯也。裔不谋夏，夷不乱华，俘不干盟，兵不逼好。于神为不祥，于德为[□]义，于人为失礼，君必不然。”齐侯心忤，麾而避之。有顷，齐奏宫中之乐，俳優侏儒戏于前。孔子趋进，历阶而上，不尽一等，曰：“匹夫荧侮诸侯者^④，罪应诛，请右司马速加刑焉^⑤。”于是斩侏儒，手足异处。齐侯惧，有惭色。将盟，齐人加载书曰：“齐师出境，而不以兵车三百乘从我者，有如此盟。”孔子使兹无还对曰：“而不返我汶阳之田，吾

以共命者亦如之^⑥。”齐侯将设享礼，孔子谓梁丘据曰：“齐鲁之故，吾子何不闻焉？”事既成矣，而又享之，是勤执事。且牺象不出门，嘉乐不野合，享而既具，是弃礼也^⑦。若其不具，是用粢稗也^⑧。用粢稗^⑨，辱君^⑩；弃礼，名恶。子盍图之？夫享，所以昭德也。不昭，不如其已。”乃不果享。齐侯归，责其群臣曰：“鲁以君子道辅其君，而子独以夷翟道教寡人^⑪，使得罪。”于是乃归所侵鲁之四邑及汶阳之田。

孔子言于定公曰：“家不臧甲^⑫，邑无百雉之城，古之制也。今三家过制，请皆损之。”乃使季氏宰仲由堕三都^⑬。叔孙不得意于季氏，因费宰公山弗扰率费人以袭鲁。孔子以公与季孙、仲孙^⑭、叔孙入于费氏之宫^⑮，登武子之台。费人攻之，及台侧，孔子命申句须、乐颀勒士众下伐之，费人北，遂堕三都之城^⑯。强公室，弱私家，尊君卑臣，政化大行。

初，鲁之贩羊有沈犹氏者，常朝饮其羊以诈市人。有公慎氏者，妻淫不制。有慎溃氏者^⑰，奢侈逾法。鲁之鬻六畜者，饰之以储价。及孔子之为政也，则沈犹氏不敢朝饮其羊，公慎氏出其妻，慎溃氏越境而徙。三月，则鬻牛马者不储价，卖羔豚者不加饰^⑱。男女行者别其涂，道不拾遗，男尚忠信，女尚贞顺。四方客至于邑者，不求有司，皆如归焉。

始诛第二

孔子为鲁司寇 ,摄行相事 ,有喜色。仲由问曰 :“由闻君子祸至不惧 ,福至不喜。今夫子得位而喜 ,何也 ?”孔子曰 :“然 ,有是言也 ,不曰乐以贵下人乎。”于是朝政七日而诛乱政大夫少正卯 ,戮之于两观之下 ,尸于朝三日。子贡进曰 :“夫少正卯 ,鲁之闻人也。今夫子为政而始诛之 ,或者为失乎。”孔子曰 :“居 ,吾语女以其故^①。天下有大恶者五 ,而窃盗不与焉。一曰心逆而险 ,二曰行辟而坚^② ,三曰言伪而辩 ,四曰记丑而博 ,五曰顺非而泽。此五者 ,有一于人 ,则不免君子之诛。而少正卯皆兼有之 :其居处足以搆徒成党^③ ,其谈说足以饰褒莖众^④ ,其强御足以返是独立^⑤。此乃人之奸雄者也 ,不可以不除。夫殷汤诛尹谐 ,文王诛潘正 ,周公诛管蔡 ,太公诛华士 ,管仲诛付乙 ,子产诛史何 ,凡此七子皆异世而同诛者 ,以七子异世而同恶 ,故不可赦也。诗云 :‘忧心悄悄 ,愠于群小。’小人成群 ,斯足忧矣。”

孔子为鲁大司寇 ,有父子讼者。夫子同□执之^⑥ ,三月不别。其父请止 ,夫子赦之焉。季孙闻之不说^⑦ ,曰 :“司寇欺余。曩告余曰 :国家必先以孝。余今戮一不孝以教民孝 ,不亦可乎 ?而又赦 ,何哉 ?”冉有以告孔子。孔子喟然叹曰^⑧ :“呜呼 !上失其道而杀其下 ,非理也。不教以孝而听其狱 ,是杀不辜。三军大败 ,不可斩也 ;狱犴不治 ,不可刑也。何者 ?上教之不行 ,罪不在民故也。夫慢令谨诛 ,贼也 ;征敛无时 ,暴也 ;不试则成^⑨ ,虐也。故无此三者^⑩ ,然后刑可即也。书云 :‘义刑义杀 ,勿庸以即汝

心 ,惟曰未有慎事。’言必教而刑也^⑪。陈道德以先服之^⑫ ,而犹不可 ,尚贤以劝之 ;又不可 ,即废之 ;又不可 ,而后以威惮之。若是三年 ,而百姓正矣。其有邪民不从化者 ,然后待之以刑 ,则民咸知罪矣。诗云 :‘天子是毗 ,俾民不迷。’是以威力而不试 ,刑错而不用。今世则不然 ,乱其教 ,繁其刑 ,使民迷惑而陷焉 ,又从而制之 ,故刑弥繁而盗不胜也。夫三尺之限 ,空车不能登者 ,何哉 ?峻故也。百仞之山 ,重载陟焉 ,何哉 ?陵迟故也。今世俗之陵迟久矣 ,虽有刑法 ,民能勿逾乎 ?”

王言解第三

孔子闲居^①，曾参侍。孔子曰：“参乎，今之君子，唯士与大夫言闻也^②。至于君子之言者希也。於乎！吾以王言之，其出不户牖而化天下^③。”曾子起，下席而对曰：“敢问何谓王者言^④？”孔子不应。曾子曰：“侍夫子之闲也，难^⑤，是以敢问。”孔子又不应。曾子肃然而惧，捋衣而退，负席而立。有顷，孔子叹息，顾谓曾子曰：“参，女可语明王之道^⑥？”曾子曰：“非敢以为足^⑦，请因所闻而学焉。”子曰：“居，吾语女^⑧。夫道者所以明德也，德者所以尊道也。是以非德道不尊，非道德不明。虽有国之良马，不以其道服乘之，不可以取道里^⑨。虽有博地众民，不以其道治之，不可以致霸王。是故昔者明王内修七教，外行三至。七教修然后可以守，三至行然后可以征。明王之道，其守也，则必折冲千里之外，其征也^⑩，则必还师衽席之上。故曰内修七教而上不劳，外行三至而财不费，此之谓明王之道也。”曾子曰：“不劳不费之谓明王，可得闻乎？”孔子曰：“昔者帝舜，左禹而右皋陶，不下席而天下治。夫如此，何上之劳乎？政之不中^⑪，君之患也，令之不行，臣之罪也。若乃十一而税，用民之力，岁不过三日，入山泽以其时而无征，关讥市廛皆不收赋。此则生财之路，而明王节之，何财之费乎？”曾子曰：“敢问何谓七教？”孔子曰：“上敬老则下益孝，上尊齿则下益弟^⑫，上乐施则下益宽，上亲贤则下择友，上好德则下不隐，上恶贪则下耻争，上廉让则下耻节，此之谓七教。七教者，治民之本也。政教定，则本正矣。

凡上者民之表也，表正则何物不正？是故人君先立仁于己，然后大夫忠而士信，民敦俗朴^⑬，男悫而女贞。六者教之致也，布诸天下四方而不窺^⑭，纳诸寻常之室而不塞，等之以礼，立之以义，行之以顺，则民之弃恶，如汤之灌雪焉。”曾子曰：“道则至矣，弟子不足以明之。”孔子曰：“参以为姑止乎？又有焉。昔者明王之治民也，法必裂地以封之，分属以理之，然后贤民无所隐，暴民无所伏。使有司日省而时考之，进用贤良，退贬不肖，则贤者悦而不肖者惧^⑮。哀鰥寡，养孤独，恤贫穷，诱孝弟^⑯，选才能，此七者修则四海之内无刑民矣。上之亲下^⑰，如手足之于腹心；下之亲上^⑱，如幼子之于慈母矣。上下相亲如此，故令则从，施则刑^⑲，民怀其德，近者说服^⑳，远者来附，政之致也。夫布指知寸，布手知尺，舒肘知寻，斯不远之则也。周制三百步为里，千步而井^㉑，三井而埒，埒三而矩，五十里而都，封百里而有国。乃为□积资聚焉^㉒，恤行者有无^㉓。是以蛮夷诸夏虽衣冠不同，言语不合，莫不来宾。故曰无市而民不乏，无刑而民不乱。田猎置戈，非以盈宫室^㉔，征敛百姓，非以盈府库也。惨怛以补不足，礼节以损有余，多信而寡貌，其礼可守，其言可复，其迹可履。如饥而食，如渴而饮，民之信之，如寒暑之必验。故视远若迩，非道迩也，见明德也。是故兵革不动而威，用利不施而亲^㉕。此之谓明王之守，折冲千里之外者也。”曾子曰：“敢问何谓三至？”孔子曰：“至礼不让而天下治，至赏不费而天下士说^㉖，至乐无声而天下民和。明王笃行三至，故天下之君可得而知，天下之士可得而臣，天下之民可得而用。”曾子曰：“敢问此义何谓？”孔子曰：“古者明王必尽知天下良士之名。既知其名，又知其实，又知其数，及其所在焉。然后因天下之爵以尊之，此之谓至礼不让而天下治。因天下之禄，以富天下之士，此之谓至赏不费而天下之士说^㉗。如此则天下之名誉兴焉^㉘，此之谓至乐无声而天下之民和。故曰所谓天下之仁者^㉙，能合天下之至亲也，所谓天下之明

者^{③①} ,能举天下之至贤者也。此三者咸通 ,然后可以征。是故仁者莫大乎爱人 ,智者莫大乎知贤 ,贤政者莫大乎官能。有土之君修此三者 ,则四海之内共命而已矣^{③②}。夫明王之征^{③③} ,必道之所废者也。是故诛其君而改其政 ,吊其民而不夺其财。故明王之政 ,犹时雨之降 ,降至则民说矣^{③④}。是故行施弥博 ,得亲弥众。此之谓还师衽席之上。”

大□解第四^①

孔子侍坐于哀公 ,公曰^② :“敢问人道孰为大 ?”孔子愀然作色而对曰 :“君之及此言也^③ ,百姓之惠也 ,固臣敢无辞而对。人道政为大。夫政者 ,正也。君为正 ,则百姓从而正矣。君之所为 ,百姓之从^④。君不为正 ,百姓何所从乎 ?”公曰 :“敢问为政如之何 ?”孔子对曰 :“夫妇别 ,男女亲 ,君臣信 ,三者正则庶物从之。”公曰 :“寡人虽无能也 ,愿如所以行三者之道^⑤。可得闻乎 ?”孔子对曰 :“古之为政^⑥ ,爱人为大。所以治爱人 ,礼为大。所以治礼 ,敬为大。敬之至矣 ,大□为大。大□至矣 ,大□既至^⑦ ,冕而亲迎。亲迎者 ,敬之也。是故君子兴敬为亲 ,舍敬则是遗亲也。弗亲弗敬 ,弗尊也。爱与敬 ,其政之本与 !”公曰 :“寡人愿有言也 ,然冕而亲迎 ,不已重乎 ?”孔子愀然作色而对曰 :“合二姓之好 ,以继先圣之后 ,以为天下宗庙社稷之主 ,君何谓已重乎^⑧ ?”公曰 :“寡人实固 ,不固 ,安得闻此言乎 ?寡人欲问 ,不能为辞 ,请少进。”孔子曰 :“天地不合 ,万物不生。大□ ,万世之嗣也。君何谓已重焉 ?”孔子遂言曰 :“内以治宗庙之礼 ,足以配天地之神 ,出以治直言之礼 ,足以立上下之敬^⑨。物耻则足以振之 ,国耻则足以兴之^⑩ ,故为政先乎礼。礼其政之本与 !”孔子遂言曰 :“三代明王必敬妻子也^⑪ ,盖有道焉。妻也者 ,亲之主也 ;子也者 ,亲之后也。敢不敬与 ?是故君子无不敬。敬也者 ,敬身为大。身也者 ,亲之支也。敢不敬与 ?不敬其身 ,是伤其亲^⑫ ,是伤其本也^⑬。伤其本 ,则支从之而亡。三者 ,百姓之

象也。身以及身^⑭，子以及子，妃以及妃。君能修此三者，则大化忤乎天下矣。昔者大王之道也如此^⑮，国家顺矣。”公曰：“敢问何谓敬身？”孔子对曰：“君子过言则民作辞，过行则民作则^⑯。言不过辞，动不过则，百姓恭敬以从命。若是则可谓能敬其身，敬其身则能成其亲矣^⑰。”公曰：“何谓成其亲？”孔子对曰：“君子者^⑱，人之成名也。百姓与名，谓之君子，则是成其亲为君而为其子也。”孔子遂言曰：“为政而不能爱人^⑲，则不能成其身；不能成其身，则不能安其土；不能安其土，则不能乐天；不能乐天，则不成其身^⑳。”公曰：“敢问何谓能成身^㉑？”孔子对曰：“夫其行己不过乎物，谓之成身。不过乎物^㉒，合天道也。”公曰：“君子何贵乎天道也？”孔子曰：“贵其不已也，如日月东西相从而不已也，是天道也。不闭而能久，是天道也。无为而物成，是天道也。已成而明之，是天道也。”公曰：“寡人且愚冥，幸烦子志之心也^㉓。”孔子蹴然避席而对曰：“仁人不过乎物，孝子不过乎亲。是故仁人之事亲也，如事天，事天如事亲。此谓孝子成身。”公曰：“寡人既闻如此言也^㉔，无如后罪何？”孔子对曰：“君之及此言，是臣之福也。”

儒行解第五

孔子在卫 ,冉求言于季孙曰 :“国有圣人而不能用 ,欲以求治 ,是犹却步而欲求及前人 ,不可得已。今孔子在卫 ,将用之^①。己有才而以资邻国 ,难以言智也。请以重币延之^②。”季孙以告哀公 ,公从之。孔子既至 ,舍哀公馆焉。公自阼阶 ,孔子宾阶 ,升堂立侍。公曰 :“夫子之服 ,其儒服与 ?”孔子对曰 :“丘少居鲁 ,衣逢掖之衣。长居宋 ,冠章甫之冠。丘闻之 ,君子之学也博 ,其服以乡 ,丘未知其为儒服也。”公曰 :“敢问儒行。”孔子曰 :“略言之则不能终其物 ,悉数之则留更仆未可以对^③。”哀公命席 ,孔子侍坐 ,曰 :“儒有席上之珍以待聘 ,夙夜强学以待问 ,怀忠信以待举 ,力行以待取。其自立有如此者。儒有衣冠中 ,动作慎^④ ,大让如慢^⑤ ,小让如伪。大则如威 ,小则如愧 ,难进而易退也^⑥ ,粥粥若无能也。其容貌有如此者。儒有居处齐难 ,其坐起恭敬^⑦ ,言必诚信 ,行必中正^⑧ ,道涂不争险易之利 ,冬夏不争阴阳之和 ,爱其死以有待也 ,养其身以有为也。其备预有如此者。儒有不宝金玉而忠信以为宝 ,不祈土地而仁义以为土地 ,不求多积而多文以为富^⑨ ,难得而易禄也 ,易禄而难畜也。非时不见 ,不亦难得乎 ?非义不合 ,不亦难畜乎 ?先劳而后禄 ,不亦易禄乎 ?其近人情有如此者。儒有委之以货财而不贪^⑩ ,淹之以乐好而不淫 ,劫之以众而不惧 ,阻之以兵而不摄 ,见利不亏其义 ,见死不更其守。鸷虫攫搏 ,不程其勇 ,引重鼎 ,不程其力^⑪。往者不悔 ,来者不豫 ,过言不再 ,流言不极 ,不断其威 ,不习其谋。其特立有如此

者。儒有可亲而不可劫 ,可近而不可迫 ,可杀而不可辱。其居处不过 ,其饮食不溇 ,其过失可微辩而不可面数也。其刚毅有如此者。儒有忠信以为甲冑 ,礼义为干櫓¹³ ,戴仁而行 ,抱义而处。虽有暴政 ,不更其所。其自立有如此者。儒有一亩之宫、环堵之室 ,筚门圭窬 ,蓬户瓮牖 ,易衣而出 ,并日而食。上答之 ,不敢以疑 ;上不答¹⁴ ,不敢以谄。其仕有如此者¹⁵。儒有今人以居 ,古人以□ ,今世行之 ,后世以为楷。若不逢世 ,上所不援¹⁶ ,下所不推 ,谗谄之民有比党而危之者¹⁷。身可危也 ,其志不可夺也。虽危起居 ,犹竟信其志 ,乃不忘百姓之病也。其忧思有如此者。儒有博学而不穷 ,笃行而不倦 ,幽居而不淫 ,上通而不困 ,礼必以和 ,优游以法 ,慕贤而容众 ,毁方而瓦合。其宽裕有如此者。儒有内称不辟亲¹⁸ ,外举不辟怨¹⁹ ,程功积事不求厚禄²⁰ ,推贤达能不望其报 ,君得其志 ,民赖其德 ,苟利国家 ,不求富贵。其举贤援能有如此者。儒有澡身浴德 ,陈言而伏 ,言而正之²¹ ,上不不知也²² ,默而翹之 ,又不为急也²³。不临深而为高 ,不加少而为多 ,世治不轻 ,世乱不沮 ,同己不与 ,异己不非。其特立独行有如此者。儒有上不臣天子 ,下不事诸侯 ,慎静尚宽 ,砥砺廉隅²⁴ ,强毅以与人 ,博学以知服。近文章²⁵ ,虽以分国 ,视如锱铢²⁶ ,弗肯臣仕。其规为有如此者。儒有合志同方 ,营道同术 ,并立则乐 ,相下不厌 ,久别则闻流言不信 ,义同而进 ,不同而退。其交有如此者。夫温良者 ,仁之本也 ;慎敬者 ,仁之地也 ;宽裕者 ,仁之作也 ;逊接者 ,仁之能也 ;礼节者 ,仁之貌也 ;言谈者 ,仁之文也 ;歌乐者²⁷ ,仁之和也 ;分散者 ,仁之施也。儒皆兼而有之²⁸ ,犹且不敢言仁也。其尊让有如此者。儒有不陨获于贫贱 ,不充诎于富贵 ,不溷君王 ,不累长上 ,不闵有司 ,故曰儒。今人之名儒也妄²⁹ ,常以儒相诟疾。”哀公既闻此言也³⁰ ,言加信 ,行加敬 ,曰 :“终歿吾世 ,弗敢复以儒为戏矣。”

问礼第六

哀公问于孔子曰：“大礼何如？子之言礼，何其尊^①。”孔子对曰：“丘也鄙人，不足以知大礼^②。”公曰：“吾子言焉。”孔子曰：“丘闻之，民之所以生者，礼为大。非礼则无以节事天地之神^③，非礼则无以辩君臣上下长幼之位焉，非礼则无以别男女父子兄弟婚姻亲族疏数之交焉。是故君子以此为之尊敬^④，然后以其所能教顺百姓，不废其会节。既有成事，然后治其雕镂文章黼黻^⑤，以别尊卑上下之等。其顺之也，而后言其丧祭之纪，宗庙之序，品其牺牲，设其豕腊，修其岁时，以敬祭祀^⑥，别其亲疏，序其昭穆，而后宗族会宴。即安其居，以缀恩义。卑其宫室，节其服御，车不雕玕，器不雕镂，食不二味，心不淫志，以与万民同利。古之明王行礼也如此。”公曰：“今之君子，胡莫之行也？”孔子对曰：“今之君子，好利无厌，淫行不倦，荒怠慢游，固民是尽，以遂其心，以怨其政，以忤其众，以伐有道^⑦。求得当欲，不以其所，虐杀刑诛，不以其治。夫昔之用民者由前，今之用民者由后。是即今之君子莫能为礼也。”言偃问曰：“夫子之极言礼也，可得而闻乎？”孔子言：“我欲观夏道^⑧，是故之杞，而不足征^⑨，吾得夏时焉；我欲观殷道，是故之宋，而不足征也，吾得乾坤焉。乾坤之义，夏时之等，吾以此观之。夫礼初也，始于饮食。太古之时，燔黍擘豚，污樽而抔饮^⑩，蕢桴而土鼓^⑪，犹可以致敬于鬼神^⑫。及其死也，升屋而号，曰^⑬：‘高，某复。’然后饮腥苴熟，形体则降，魂气则上。是为天望而地藏也^⑭。故生者南向，死者北首，